

Ko e heigoa haaku ka taute ke lagomatai e haaku a maaga?



Te Korowai
Whetū
Social Cohesion


Social Cohesion Guide for Communities

Ko e tonuhia ke hu atu ke he tau heagaapi

Talaga e tautolu e tau heagaapi ke he loga e kakano, liga ko koe taha vala he magafaoa, aoga, gahuaaga, matakau feua sipote, tau lotu, poke ko koe taha hane fakaako e taha vagahau foou mo e falu po kua tatai e tau feua kua fiafia aulua ki ai. Ko e heagaapi fe ni kua matutaki a koe ki ai, mitaki ke logona e tonuhia ke hu atu, ke logona foki kua fakalataha atu ki ai, ke iloa foki ko koe mooli ni a ia mo e eke foki a koe mo taha he tau kau.

Kehekehe a tautolu ka e manako ke felauaki, ke fakafiafia ha ko e ha tautolu a tau fekehekeheaki mo e fakalilifu atu ke he falu pete ni ke nakai talia kua aoga lahi e mena nei ha kua nakai fetataiaki e tau logonaaga kua ataina a lautolu ke eke ni ke he ha lautolu a tau puhala poke falanaki ki ai to logona ha lautolu a tau leo.

Ko e motu ha tautolu kua loga lahi e tau mena ne kua fekehekeheaki mo e loga e tau heagaapi kehekehe ti kua lata ia tautolu ke kumi e tau puhala ke fanogonogo a taha kia taha mo e logona foki a taha kia taha. Manako a mautolu ke lali ke maama e ha mautolu a tau fekehekeheaki mo e tau malolo mo e gahuahua ke iloa ko e heigoa ne maeke ia mautolu ke kau fakalataha mo e heigoa ke lopoti a mautolu ke fetataaki lahi.



Ko e tonuhia ke eke mo taha he maaga – kitia fefē e mena nei

Ke he taha maaga ne kua nonofo mo e mafola e tau tagata, kua feiloaaki a mautolu, feiloaaki e tau katofia kaina, logona e fakafetui ke he tau gahuaaga, mo e iloa ko hai ke oatu ke kumi lagomatai ki ai kaeke kua manako ki ai. Logona e mautolu kua maeke ke tutala ke he falu a tagata nakai fa mahani ke tutala ki ai, poke fakalaga atu ke he falu kaeke ke logona atu kua vagahau e tau mena kua nakai hagahaga mitaki ha ko e mahani fili tagata, mo e ataina ke tufatufa ko hai a mautolu, o mai i fe a mautolu, mo e taute fefē e mautolu e tau fekau. Ke he tau magaaho uka mo e vihu to nakai fai tagata kua toka ki tua – kua lauia e tau tagata oti.

Atihake e tonuhia ke kau atu – ko e heigoa haau ka taute

Ko e heigoa ha tautolu ke taute ke lagomatai aki e tokologa he tau tagata ke talia mo e ofaofa e tau fekehekeheaki, logona e matutakiaga, kau fakalataha atu, falanaki ke he falu mo e logona e fakalilifuaga he taha ke he taha.

Logona e tonuhia ke eke mo taha he kau, falanaki atu ke he falu

- tutala atu kia lautolu kua kehe mai ia koe Lali ke talahau mo e fakaleo fakahako ha lautolu a tau higoa. Kumikumi poke heigoa kia ha lautolu ne eke ati gahuahua e tau momoui, lali ke iloa poke kitia fefe e lautolu e lalolagi
- ole age ke fakalataha atu ke he tau matakau feua sipote, uiina ke he tau gahau auloa, fakafeleveia mo e haau a tau kapitiga, lagomatai ke vagahau Peritania, Te Reo Māori, kaeke kua manakok i ai, ole age ke fakaako e vagahau ne kua maama mo e iloa a lautolu ki ai.

Talia fiafia e tau fekehekeheaki, logona e lilifu

- talaga mo e lagomatai e tau matakau gahua he tau gahuaaga kua haha i ai e tau tagata ke felagomataaki e lautolu a lautolu ni mo e gahua ke tamate e mahani fili tagata ha ko e tau omaiaga, totou ko

e tagata fifine poke tagata taane, manako hoa fifine poke manako hoa taane mo e falu foki e tau mena ne fekehekehe ki ai. Ole atu ke he gahuaaga ke taute e taha poakiaga ke fai hukui mai he tau vahega kehekehe ne oti.

- ki a eke mo taha tagata lagomatai mae kapitiga gahua haau kua fehagai mo e mahani fili tagata ke he tau gahuaaga po ke falu he tau heagaapi
- kumi atu ke he taha fakaakoaga mai he tau gahuaaga, tufono maaga poke taha matakau heagaapi ke tamate e mahani mo e tau aga filitagata
- tohi atu ke he tufono maaga haau po ke Hukui Fakatufono poke talaga taha tohi ole ke he faahi fakatufono fakatonutonu ke onono ke he tau mahani fili tagata ha ko e falu a tau mata fi.

Kua logona e tonuhia ha kua matutaki ki ai

- taute taha aho ma e feua heagaapi poke taha aho tau katofia kaina mo e iga ni e tau hukui mai he tau heagaapi kehekehe mo e tau fanau ke fakafetui mo e fakalataha auoa ki ai
- finatu mo e fakakite haau a lagomatai ke he tau gahua he heagaapi kua fakatu he tau tagata kua kehe mai ia koe
- foaki ke taute taha kiliniki huki fakagata ke he taha fale heagaapi poke taha faletapu poke taha fale foki ke he magahala gagao tatalu
- fakatu taha fetokoaga vili ma lautolu e tau tufono maaga mo lautolu e tau ekepule ne kua amaamanaki ke vili ki ai
- kumikumi atu ke he falu a heagaapi mo e kitia ai e koe poke lagomatai fefe ke moua e tau mena kua ononoatu a lautolu ki ai
- hafagi atu e tau marae, tau fale tapu, tau fale kalapu, tau fale liogi ke he heagaapi mo e fakailoa atu ki a lautolu po ko hai a koe mo e lali ke feiloaaki.

Kau atu ke he tau gahua

- lali ke iloa fakalahi e Te Reo Māori, tau tala tupu fakaholo Aotearoa Niu Silani, Te Tiriti o Waitangi ke he fakaaogaaga he polokalama kupega hila tuga e Kororerero, Kupumo e Ako Tahī poke fakamau e higo ke he taha fakaakoaga he Te Wananga o Aotearoa, finaatu ke he tokaaga poke fakatataaga he tau koloa mahuiga mo tau tala tupu-fakaholo Aotearoa Niu Silani ke he tau Fale Tohi

- moua taha fakatutalaaga malolo mo e falu ne kua haha i ai e mahani mo e aga fili tagata po ke falu kua onoono faka kelea mo e faka vihiatia ke he falu ke he fakaaogaaga he tau koloa he poko kupega hila he Komisina he Human Rights tuga e [Responding to Racism](#)
- tutala atu ke he tau tagata hataki he komuniti hagaa ke he haau a tau manatu ke tamai aki e tokologa ke fakalataha ke he heagaapi
- Tohi ole atu ke he tau tupe lagomatai mai he tau matakau fakatufono ke fakatupe aki e tau gahua faka heagaapi, kumi atu fakamua ke he matakau [COGS](#) poke tau [Lotteries](#) he fakaholoaga ne leveki ke he tau tupe foaki poke tau fakaholoaga he [Community-Led Development Programme](#) Hahā i ai foki falu a mouaga tupe lagomatai ke finaatu a koe ke ole tupe ki ai - huhū atu ke he falu a fakailoaga mo e falu a puhala ole tupe lagomatai.

